

SERVIZO DE
IGUALDADE

CONCELLERÍA DE
IGUALDADE E COMERCIO

CONCELLO
DE VIGO



Expediente:	97/142
Asunto:	Xustificación de subvención nominativa para o expediente “Orzamento municipal 2026” Identificación da entidade beneficiaria: Nome: Fundación para la pesca y el marisqueo -FUNDAMAR CIF: G27745397 Contía da subvención: 10.000,00 € Exercicio orzamentario: 2026 Programa: <i>Igualdade de Xénero</i> 2311 4890007
Informe emitido a petición do Director Superior Contable e Orzamentario mediante petición de data 09.07.2025	
Liña estratéxica coa que se correspondería (non incluída no Plan Estratéxico de Subvencións 2024/2026): 4.8 Actividades de defensa da igualdade de xénero	

INFORME:

PRIMEIRO.-

O artigo 25.2 o) da Lei 7/85, do 2 de abril, reguladora das bases do réxime local (LRBRL) sinala que o municipio exercerá en todo caso como competencias propias, nos termos da lexislación do Estado e das Comunidades Autónomas, na seguinte materia: “actuacións na promoción da igualdade entre homes e mulleres, así como contra a violencia de xénero”.

A Lei orgánica 3/2007, do 22 de marzo, para a igualdade efectiva de mulleres e homes, impón aos poderes públicos que establezan medidas explícitas e accións positivas para acadar a igualdade real e efectiva entre mulleres e homes.

A Resolución de Alcaldía de delegación de competencias específicas do Alcalde na Primeira Tenente Alcalde e Área de Goberno de Patrimonio Histórico, Cultura e Igualdade de data 28 de xuño de 2024 (BOPPO núm. 133 do 9 de xullo de 2024) delega na Primeira Tenente Alcalde e Área de Goberno de Patrimonio Histórico, Cultura e Igualdade, en materia de igualdade, entre outras, as seguintes atribucións:

- Detección de discriminacións directas e indirectas, impulsando e desenvolvendo accións positivas e medidas, tanto preventivas como integradoras, tendentes a eliminar as situacións de desigualdade e desvantaxe social para as mulleres en todos os ámbitos, especialmente as que se atopan en situación de vulnerabilidade social.*
- Promover, desenvolver e difundir accións tendentes a visibilizar e incrementar a presenza das mulleres nos distintos ámbitos da vida social e nos procesos de toma de decisións, abrindo canles de participación para impulsar o empoderamento das mulleres.*
- Promover o investimento de recursos sociais en accións positivas para as mulleres, que favorezan o acceso e permanencia das mulleres naqueles ámbitos onde se atopan infrarrepresentadas así como organizar e promover actividades en ámbitos e/ou áreas tradicionalmente feminizadas, dirixidas á poboación masculina.*



Copia do documento - Concello de Vigo	Data impresión: 20/10/2025 11:49	Páxina 1 de 3
97-142	CSV: A6AADF-B7D52E-44A3B1-U7C3B3-7RA975-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

**SEGUNDO.-**

A «Fundación para la pesca y el marisqueo FUNDAMAR», con CIF G27745397, é unha entidade creada en 2010, integrada pola Cooperativa de Armadores/Armadoras de Pesca do Porto de Vigo (ARVI) e os sindicatos UGT e CCOO, que conforman a maioría da representación no ámbito social e económico da pesca marítima e o marisqueo da Comunidade Autónoma de Galicia. FUNDAMAR é a primeira experiencia deste tipo, calquera que sexa o ámbito territorial que se contemple, que ten unha representación paritaria entre a parte empresarial e sindicatos, nos seus órganos de goberno e control. É unha fundación sen ánimo de lucro, con personalidade xurídica e capacidade de obrar, e con afección do seu patrimonio a fins de interese xeral para Galicia. Os seus fins teñen un carácter laboral, sendo o seu propósito o de crear, impulsar e dirixir ou participar en proxectos ou actuacións que teñan por finalidade a mellora das condicións sociais e de produtividade de empresarias/empresarios e traballadores/traballadoras relacionadas coa pesca e o marisqueo.

Desde 2010, FUNDAMAR desenvolve a súa actividade ao redor de catro eixos de actuación ou áreas de traballo:

- Seguridade e Prevención, a través da realización de estudos, guías de boas prácticas, accións de promoción e campañas de sensibilización.
- Social, con iniciativas e proxectos relacionados coa mellora do benestar social dos e das profesionais do mar, impulsando á súa vez a promoción da igualdade de oportunidades entre homes e mulleres e abordando as cuestións de xénero.
- Formación marítima, con estudos de detección de necesidades formativas adecuadas ás necesidades reais que incidan en tripulantes e armadores/armadoras.
- Técnica, con iniciativas estratéxicas nas que transcenden todos os proxectos e estudos de I+D+I, nos ámbitos da prevención de riscos laborais, seguridade marítima, RSE, promoción dos recursos e produtos do medio ambiente mariño.

En relación á promoción da igualdade de oportunidades no sector pesqueiro e marisqueiro, nos seus estatutos establécense os seguintes obxectivos:

- . Facilitar e promover as condicións de acceso ao emprego baixo criterios de igualdade e equidade, implementar os procesos de prevención de riscos laborais, deseño e desenvolvemento dos temas relacionados coa seguridade e saúde no traballo e a formación marítima con perspectiva de xénero.
- . Impulsar e promover servizos e programas para o fomento da igualdade de xénero e igualdade de oportunidades, a acción social, a asistencia e a plena inclusión de mulleres e homes no sector marítimo pesqueiro, incluíndo colectivos vulnerables e en situación de risco de exclusión.

FUNDAMAR impulsa e promove o **proxecto “SEREAS”** que ten, entre outros, os seguintes obxectivos:

- . Dar a coñecer referentes femininos en diferentes ámbitos do sector mar-industria da contorna.
- . Proporcionar ferramentas que contribúan á transferencia da investigación á sociedade con perspectiva de xénero.
- . Identificar e visibilizar figuras femininas que desenvolveron papeis fundamentais neste sector.
- . Ensalzar a participación socioeconómica das mulleres no sector.
- . Recoñecer o papel da muller como icona obreira da Revolución Industrial en Galicia.
- . Poñer en valor os roles desenvolvidos podas mulleres nos oficios do mar.



Copia do documento - Concello de Vigo

Data impresión: 20/10/2025 11:49

Páxina 2 de 3

97-142

CSV: A6AADF-B7D52E-44A3B1-U7C3B3-7RA975-FD

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

SERVIZO DE
IGUALDADE

CONCELLERÍA DE
IGUALDADE E COMERCIO

CONCELLO
DE VIGO



Desde o Servizo de Igualdade considérase que o proxecto “SEREAS” ten un interese público tanto por ser formulado e promovido polo propio sector pesqueiro como pola integración do enfoque de xénero que conxuga os obxectivos que persegue o Concello de Vigo no eido da promoción da igualdade.

Así, o apoio ao proxecto SEREAS permitirá visibilizar a contribución das mulleres de Vigo, e da súa contorna, no sector do mar e da súa industria, empoderar ás novas xeracións de mulleres que participan neste sector, promover a igualdade de xénero neste sector laboral e reforzar a sensibilización social sobre a importancia da participación e achegas das mulleres nos sectores estratéxicos da cidade. Este protagonismo é fundamental en sectores como a conserva, a transformación de pescado, a acuicultura e nas actividades auxiliares da pesca e do marisqueo.

POLO EXPOSTO:

Co obxecto de poder facer fronte aos gastos do convenio coa Fundación para la pesca y el marisqueo (FUNDAMAR) para o programa “SEREAS” será preciso que no orzamento finalmente aprobado para o exercicio 2026 se consigne crédito adecuado, necesario e suficiente (10.000,00 €) a nome da entidade “Fundación para la pesca y el marisqueo (Fundamar)” na partida 2311 489 0007 do programa “Igualdade de Xénero”.

A dita subvención non está incluída no Plan Estratéxico de Subvencións do Concello de Vigo 2024/2026 aprobado pola Xunta de Goberno Local en data 8 de marzo de 2024, modificado por acordo da XGL de data 31.05.2024.

A Liña estratéxica que lle corresponde é a seguinte: 4.8. *Actividades de defensa da igualdade de xénero.*

Vigo, na data da sinatura dixital

A xefa do Servizo de Igualdade.- Cristina Gómez García

CONFORME,

A concelleira delegada de Igualdade e Comercio.- Ana Laura Iglesias González [Resolucións de Alcaldía de datas 20/06/2023 (BOPPO núm. 124 do 28 de xuño de 2023), 28/06/2024 (BOPPO núm. 133 do 9 de xullo de 2024) e 28/06/2024 (BOPPO núm. 134 do 10 de xullo de 2024), e Acordo da Xunta de Goberno Local de data 13/06/2025 (BOPPO núm. 115 do 18 de xuño de 2025)]

A concelleira da Área de Goberno de Patrimonio Histórico, Cultura e Igualdade.- María del Carmen Silva Rego [Resolucións de Alcaldía de datas 20/06/2023 (BOPPO núm. 124 do 28 de xuño de 2023), 28/06/2024 (BOPPO núm. 133 do 9 de xullo de 2024) e 28/06/2024 (BOPPO núm. 134 do 10 de xullo de 2024), e Acordo da Xunta de Goberno Local de data 13/06/2025 (BOPPO núm. 115 do 18 de xuño de 2025)]



Copia do documento - Concello de Vigo
97-142

Data impresión: 20/10/2025 11:49

Páxina 3 de 3

CSV: A6AADF-B7D52E-44A3B1-U7C3B3-7RA975-FD

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>